

義烏縣志

卷卷卷

九八七

義烏縣志卷七

壇廟

古者社稷山川出雲爲風雨者皆曰神與夫鬼之在其地而無主後及有功烈於民能禦災捍患者皆在祀典此壇廟之設所由來也舊志以祠祀統壇廟先農壇雜典禮今各列標目依類編次而鄉保報賽之廟得附載焉亦見百日之澤非淫祀者比也志壇廟

壇

社稷壇在縣西迎恩門外一百步祀縣社稷之神

社以祭土

稷以祭穀卽古者春祈秋報方社先農之祭也唐制無攷宋壇在縣西一里三百四十步大觀三年知縣

徐秉哲徙縣北一百八十步元大德十年縣丞鄭應
徙於金華門外一百步明洪武十一年知縣孔克源

遵制即元舊址建壇金華門今名迎恩門其制東西南北各二丈五尺高

三丈四出陛各三級壇下前九丈五尺東西南各五

丈立石主長二尺五寸方一尺埋壇南正東去壇二

尺五寸止露圓尖餘埋土中祭以木為神牌二縣社

之神縣稷之神歲以春秋仲月上戊日致祭用羊二

豕二帛二爵三登一鉶二籩豆各四簋簋各二樂用

鼓吹惟長官一員祭服行三獻禮餘官止陪祭

祝文 昭告於某神曰品物資生烝民乃粒養育之
功司土是賴惟茲仲春秋禮宜告報祀謹以牲帛醴

齊粢盛庶品式 祭畢焚祝帛坎中以土實坎藏主於
陳明薦尚饗

房本縣每祭用銀七兩三錢八分五釐

風雲雷雨山川壇在縣南四里祀風雲雷雨山川之神

并城隍之神合祭

唐制無攷宋與社稷為一後另立風師壇雷雨師壇元址在金華門

外一百步明洪武初始以山川與社稷分祀後以風

雲雷雨并城隍合祭壇一而設二位中為風雲雷雨

之神左為境內山川之神右為城隍之神七年知縣

張永誠徙壇址於縣南四里十一年知縣孔克源改

壇建歲以春秋仲月上巳日致祭用羊三豕三帛七爵

三登一鉶二籩豆各四簠簋各二樂用鼓吹儀注與

社稷同

祝文惟神妙用神機生育萬物奠我民是足我民食某等忝職茲土今當仲春秋謹具

牲醴庶品用

每祭用銀一十一兩一錢一分五釐

申嘗祭尚饗

里社壇在故里祀五土五穀之神

洪武八年令縣每里一百戶內立壇一所

春秋二社里中父老備物祈報祭畢會飲長幼以次就坐盡歡而退務在恭敬神明和睦鄉里以厚風俗

先農壇雍正五年知縣韓慧基購買民田四畝九分立

壇東郊井頭趙地方正廳三間廂房二間

乾隆庚子爲水所圯

每歲仲春月亥日祭先農炎帝神農氏昭配先

農厲山氏穆配先農后稷氏行禮畢知縣主耕典

史進鞭農官進耒田畷四人兩人扶犁兩人牽牛知

縣右手執鞭左手秉耒照耕藉之例行九推之禮盡

壠而止後典史農官次第如式耕推亦盡壠而止送

神灌鬯徹祭飲福田畷耆老人等亦俱頒賜藉畢而

返照祭品區

邑厲壇在縣西北一百八十步祀無祀鬼神

唐宋無攷
明洪武三

年始定於宋社稷壇故址去縣北一百八十步今城隍廟後

歲以春清明日秋七

月十五日冬十月朔日先期牒告城隍屆期迎城隍

神位於壇以為主旁列無祀鬼神分男女東西致祭

用羊三豕三果四羹飯餘品冥衣數百具每祭用銀

十兩三升

鄉厲壇在各里祀無祀鬼神

洪武八年建每里設壇一所四圍土墻中築土臺一

座門立牌額書無祀鬼神壇

遇春秋各邑厲壇祭日里中父老隨

鄉俗置辦牲酒祭告城隍屆期行禮

廟

關帝廟

國朝雍正五年奉

旨勅封關帝三代祖父公爵合府州縣擇關帝廟廠大者
之後殿置造牌位供奉每歲春秋并五月十三日前
後殿各虔誠致祭知縣韓慧基於縣治南門內之
關帝廟捐俸倡建後殿三間供奉

勅封三代公位歲凡三祭每祭銀二十兩乾隆六十年奉
旨尊爲供奉靈佑大帝前後殿牌位

封贈諡號祭品列後

前

殿

馬恭聖

供

靈佑大帝公帛爵

奉

馬恭聖

大奠

和奠

鼻鬚

榛 菱 茨 簋

稭 藁 棗 栗

黍 稻

稷 梁

藟 醴 菁 菹 脯

苾 蒞 醢 笋 菹 醢

脾 所 爵

羊

牛

豕

小燭

小燭

小燭

小燭

燭

香

燭

禮記卷四

後

殿

勅封裕昌公

勅封光昭公

勅封成忠公

白餅

榛菱芡

盤蠶棗

羊

小燭

燭

爵

帛爵

和羹

黍稻

稷梁

爵

豕

香

韭醢薑菹

燭

藟醢筮菹

小燭

髀脰

饌盤

前殿祝文

維 帝大義昭垂爭光日月氣塞兩閉庇民護國茲
當某祭敬奉爨章敢率僚屬潔茲染盛醴齊庶品肅
薦馨香用光
祀典尚饗

後殿祝文

維 公積慶綿長後先一德誕生大帝千秋蒙澤
天語琳琅光昭史冊茲因某祭特用致祭尚饗 城鄉多
有廟不
備載

文昌廟

嘉慶六年

勅各直省州縣立廟致祭

文昌帝君一切儀文並仿照

關帝廟定制列入祀典知縣諸自穀捐廉率紳士人等
輸資卽繡湖書院之後座中構神閣三層供奉

聖像神牌並建後殿三楹供

帝君先代神位

知縣諸自穀記

皇上御極之六年

詔祀

文昌帝君以

關聖大帝之禮並

勅各直省州縣一體遵行自穀承乏是邦思有以仰各

明詔庸詢於邑人士僉曰邑故有

文昌閣二一在縣南三里西江橋前明崇禎閔熊公人

霖自學宮左遷一在學宮義路前

國朝康熙閔司訓李君清建今圯且地形偏隘不足以

展祀事惟治西繡湖書院枕山面湖規制宏敞請以

祀

帝君可余以諸生講習之地崇奉文章之主於義爲宜
特慮人力之難驟舉也不越日紳士陳瑞科朱世瑗
陳遲九等三十五人呈請捐資以助營建意極踴躍
余喜亦卽捐廉從事擇吉鳩工卽書院之第三層而
新之敬供

聖像神牌並擴建後殿三楹簷屋二楹經始於辛酉十
一月落成於壬戌正月丹雘塗墍一如其制二月朔
親詣告成祭日復遵祀典行禮諸紳士衣冠執事畢
屬一言以記其事余曰夫孝經援神契之旨春秋元
命苞之論前人之迷備矣余弗敢贅獨是

帝君與他祀異者凡忠孝節義之祀自人而之神所謂
生而爲英死而爲靈也

帝君則自神而之人世傳一十七世爲士大夫身亦猶
惟嶽降神生甫及申也且戴筐六星統乎司中司祿
司命而實專主乎文柄今際

文教昌明之會乘景運而効精靈爲斯文主宰固宜致
其尊崇以垂令典不誠千載一時之盛耶我知奔走
後先之士奉上德意趨承恐後行見人文蔚起爲邦

家光黼黻

皇猷羽翼

聖教是舉其先聲矣夫鋪張美烈垂示無窮者亦有司之事也雖不文其奚辭嘉慶七年二月記

前殿祝文

維神蹟著西垣樞環北極六匡麗曜協昌運之光華累代垂靈爲人文之主宰扶正久彰夫感召薦馨宜致其尊崇茲屆仲春秋用昭時祀尙其歆格鑒此精虔

後殿祝文

祭引先河之義禮崇反本之思矧夫世德彌光延賞斯及祥鍾累代炯列宿之精靈化被千秋緯人文之主宰是尊後殿用答前庥茲值仲春秋肅將時事用申告潔神其格歆

春秋二祭共用銀二十兩

附載熊人霖西江橋文昌閣記天官書斗魁戴筐六星曰文昌官一曰上將二曰次將三曰貴相四曰司命五曰司中六曰司祿文耀鉤曰文昌官爲天府孝經援神契曰文者精所聚昌者揚天紀輔拂並居以

成天象故曰文昌宮春秋元命苞曰上將建威武次將正左右貴相理文緒司祿賞功進士司命主災咎司中主左理在天成象文明以啟肇祀未紀何時而世之塑像髻而龍準醜顏或曰姓張名亞字仲子卽詩所稱張仲孝友也或曰梓童之神司科名籍曰吾一十七世爲士大夫未嘗武健嚴酷一切憫人孤周人厄濟人急拯人危容人過昭事於天神降之福由厥所傳神道設教哉夫吉星之精降於地則爲忠孝有德人傳說弼亮于殷帝王良持正於晉卿咸上符緯象安知張仲不比於列星哉我太祖武定天下守之以文命秩宗釐正百神祀典文昌祠祀如故肅皇帝又以神像賜輔臣明神來格矢其文德儒者以爲秩祀之經而從之可也稿故有閣在學宮之左而下爲學門厥向倚東嫌與文廟相背士子僉議毀之余曰弗毀也厥材中度厥燬中陶厥工中程曷亦念我前令許公若魯之締構勤思已卯春乃梁西江顧瞻有阿合於爾雅之大山宮形家言當有神明之宅以鎮之余曰宮哉維文昌之宮哉乃遷於其地而飭之而垣之而丹雘塗之不傷財不勞民傑構巍然佑我文明旣輯我士爰作乃銘銘曰北斗燦殷天章前六

星魁戴筐精氣存渺中央天降神人維禎侯孝友侯
忠貞美東南會稽分縣烏傷應婺星稠水東繡水西
控穉山滙於茲駕電鼉伏蚪螭據虎豹紛陸離白石
爛建虹霓土反宅水歸壑又邦人建危閣人之徠晴
哉燦頌投歌雅合樂桂叢生梅鄂鄂鷄鳴巔臨高臺
魚以饑天馬徠與神臯邑壯哉綏百里協三才弼北
辰平泰階 在義路
者見學校餘不悉載

城隍廟在縣西北儒學右祀本縣城隍之神

神舊無攷
惟唐李陽

永有當塗城隍廟則神始於唐矣明洪武二年勅封
鑒察司民顯佑伯十七年定禮制去封號直稱曰義
烏縣城隍之神歲無特祀春秋二仲上巳日合祭於山川壇

三厲祭則迎神主之凡有司初入境必先齋宿於此

陳牲告神而後到任禱祈水旱災青必先牒告而後

立壇蓋以理幽一邑之主也舊址在縣南六十步後

徙於繡川門外三十步洪武三年知縣張永誠建於

今所正廟三間後堂三間東西廊各五間內門三間

外門三間鐘鼓樓東西各一間石坊一座

邑人王宗聖鐘鼓樓

記聖天子御極之四十年辛酉夏四月島夷肆虐震盪海隅維時叅將南塘戚公奉勅保釐台郡協同監軍延陵趙公督我烏兵指授方畧殲厥醜類靡有孑遺爰是諸營總領陳大成丁邦彥率吳惟忠王如龍陳子臺陳京等僉曰是役也我烏城隍之神恍若雲端叫號反風縱火默成之功懋焉請捐廩百金以崇神宇以答神庥戚公曰然蠢茲倭寇犯我中原十年於茲神人共憤久矣况用兵以來全捷甚稀惟我烏兵一月之內凡水陸十戰十捷我兵損折者僅七人至如花街白水洋之役以寡臨衆全捷尤奇衣冠被鹵者二千餘一旦盡返故廬此固督府當道夙持成算兵士用命所致而神明之默佑者信不可誣昔安平假稱神師遂復齊七十餘城今爾多士其行也載神爲依其飲食也祝神爲享其臨敵也咸奮然藉神

爲威况中復有恍惚見其叫號則神之助我也實有
明徵視齊反走之卒大逕庭矣今茲捐金以報鴻庥
以祈永佑也固宜乃遣中軍省祭官龔雲程賫金以
董其役雲程奉命維謹鳩工聚材培土築基建鐘樓
於廟門之左建鼓樓於廟門之右復建西廡凡五楹
橫廊凡二楹梁棟榱桷煥然以新庀級垣墉翼然以
整繪畫塗堊爛然以章經始於八月戊辰越二月十
有六日甲申工用告成邑之人士聚觀者皆謂神之
威靈丕振而祠宇鼎新不可以無記徵文於余余惟
國之大事在祀與戎而事神治民理一無二故崇德
報功所以勸忠是誠激勸人心一大機也昔國初敗
僞漢於鄱陽神嘗助捷誠意伯劉基請建祠以祀神
今威公復有是舉其殆曠世而相感者歟抑劉公功
勒太常慶垂後裔至今以公爲元祀然則威公之勲
庸爵位不亦繼美於劉公也耶威公諱繼光中牟人
歷任南北屢立奇功真有古名將風趙公諱大河水
陰人丙辰進士先任吾邑廉明仁恕民知
向方今以大理寺評事遷按察司僉事云 萬歷二十
四年三月二十八日風雹震盪兩廊俱圯知縣周士